

Malaysia tangga ke-20 'Strong Starters Ranking' dunia – MOSTI

22 Jun 2023, 1:19pm

Oleh : Rusyaidi Hafiz Shahid

PUTRAJAYA: Malaysia mempamerkan kecemerlangan apabila menduduki tangga ke-20 'Strong Starters Ranking' dalam usaha menyediakan ekosistem syarikat pemula (startups).

Kementerian Sains, Teknologi dan Inovasi (MOSTI) dalam satu kenyataan menyatakan Malaysia juga kekal di kedudukan 21-30 di dalam Laporan Ekosistem Syarikat Pemula Global 2023 (Global Startup Ecosystem Report 2023).

Pencapaian itu hasil aktiviti pembiayaan yang rancak kepada syarikat pemula.

MOSTI juga telah melaksanakan Pelan Hala Tuju Ekosistem Startup Malaysia 2021-2023 (Malaysia Startup Ecosystem Roadmap 2021- 2030) yang dikenali sebagai SUPER.

Sehingga Jun 2023, SUPER menerusi Cradle Fund Sdn Bhd menyokong dan memberi manfaat kepada lebih 3,000 syarikat pemula, sebagai usaha memperbaiki dan mempertingkatkan pertumbuhan ekosistem bidang sains, teknologi, inovasi dan ekonomi (STIE).

Sasaran SUPER menjelang 2025 adalah untuk memberi sokongan kepada 5,000 syarikat pemula.

Nilai ekosistem syarikat pemula di dalam negara juga mencelah 46 bilion dollar Amerika bagi tempoh separuh 2020 sehingga 2022.

Ia meletakkan Malaysia antara lima ekosistem teratas bagi ekosistem 'emerging', berjaya mengatasi Copenhagen, Guangzhou, Minneapolis, Bucharest dan Mexico City.